



S.O.L.I.D.E.

Support of Lebanese in Detention and Exile

١٩ أيار ٢٠٠٩

بدي احكي شوي عن أوديت مع انو كل الحكي ما بيوفيا حقا ، حقا كسيدة منزل وأم ، حقا كأنسانة الدهر كان قاسي كثير عليا وظالم ... المأساة ابتدأت مع وفاة زوجها ألبير واضطرارها للعمل المضني من أجل تأمين حياة كريمة لولديها ريشار وماري كريستين،

ب١٧ أيلول ١٩٨٥ ايد الشر امتدت ع ريشار وماري كريستين ومن يومها بلشت رحلة الدموع والعذاب والقلق وتبويس الايدين والبهذلة والاهانة والكذب والتلاعب والابتزاز الى آخر ما هنالك من مفردات بتوصف كل اللي تعرضتو أوديت مثلها مثل غيرها من العائلات اللي امتدت الن ايد الشر وخطفت إما أزواجا أو اخوتا أو أبنائها.

رفضت تسكت وانضمت سنة ١٩٨٩ للنضال من أجل معرفة مصير ولادا مع لجنة أهالي المخطوفين والمفقودين في لبنان وصولا الى أول حضور ل إلا بخيمة الاعتصام قدام مبنى الأمم المتحدة ب أيار ٢٠٠٥ ومن وقتا بلشت تداوم مع الأهالي.

مع طول الوقت ابتدأت بعض الهم تتعب وتضعف لكن أوديت زادت من وتيرة ايماننا بالخيمة وبالقضية اللي بمتثلها وصارت تزيد من أيام تواجدا حتى وصلت مع بداية سنة ٢٠٠٦ ل حد إنا تكون الأكثر تواجدا في الاعتصام. وبيوم من أيام الشتي القاسي أواخر الـ ٢٠٠٦ ، كان يوم صقعا وشتي كثير وكان صرلا أوديت ٨ ايام بالخيمة ... وصلت وكانت سبقتني ام ايلي ، صرخت فيني وقالتلي شو جايي تعمل بهالطقس ، ما عندك شي شو جابك؟ جاوبت انو جيت خصوصي ت احكيكي بخصوص الخيمة ، بالرغم من قناعتي العميقة بأهمية الاعتصام لكن من خوفي ع صحتك ما بقدر احمل ع ضميري انك تضلي بهالطريقة تحملي هالتعب كلوا وحدك فالأفضل انو نشيلا ونرجع نشغل للقضية مثل ما كنا قبل ، انتفضت كلا سوا ووقفت وبحدية قالت: كنت عم احكي انا وام ايلي قبل ما نجي انو لا تعبك ولا تعبنا ولا الشغل اللي انشغل هون لازم يروح ضيعان قبل ما نوصل ل حل وطالما الله عاطيني صحة وفي شرس بينبض هالخيمي ما بتتسكر. وهيك صار ، وبعدا الخيمة صامدا ومكفي.

كان ايماننا كثير كبير بالقضية ، وما بباليغ اذا بقول انو اكبر من كتار تعبوا بنص الطريق،

كانت ادارية بشكل صارم بما يختص بأمور الخيمة وهالشتي كان سبب أساسي لاستمرار الاعتصام، لكن القدر الذي لم يرحمها طوال ٢٤ سني ما اعطاها إلا نهايي مأساويي وهيي وعم تهتم بخيمة الاعتصام.



S.O.L.I.D.E.

Support of Lebanese in Detention and Exile

قدام هالفاجعا الانسانية وطريقة تعاطي المسؤولين معها بيذكرني قول الكتاب المقدس في سفر اشعيا الفصل ٥٣ "... مزدراة ومخدولة من الناس امرأة أوجاع ومتمرسة بالعاهات ومثل ساتر وجهه عنا. مزدراة فلم نعبأ بها ..."

بشاعة الحادث وبشاعة المشهد بالمستشفى والحزن على الفراق ما بيقدروا يحوا من الذاكرة البصمة المميزة اللي طبعت اوديت هالخيمة فيا وت نكون أوفيا لتعبا وتضحياتا بدنا نتعهد أمام مذبح الرب ونقول: ارقدي بسلام لأن الاعتصام سيستمر حتى الوصول الى حل ، ونامي قريرة العين لأننا لن نترك قضية ريشار وماري كريستين مثل ما انو ما رح نترك قضية كل اخوتنا واخواتنا ضحايا الاختفاء القسري في لبنان.

بحب اختم وقول انو طلبنا من المدير العام لقوى الأمن الداخلي اللواء أشرف ريفي اجراء فحص الحمض النووي لاوديت قبل الدفن لأنها آخر شخص في عائلة ألبير سالم، وقد لبي المدير العام مشكورا هذا المطلب، وفيما نعلن اليوم انو فحص الحمض النووي لاوديت رح يكون الأول بينك الـ DNA اللي قررنا نأسس لانشاءوا وبهمني كمان اعلن انو الجمعيات المهمة بقضية الاختفاء القسري بلبنان لن تنتظر طويلا قرار الحكومة اللبنانية الجواب على مذكرة انشاء الهيئة الوطنية اللي قدمناها لفخامة الرئيس ولدولة رئيس الحكومة وللوزراء المعنيين ورح نباشر كمجتمع مدني بانشاء الهيئة حتى نوصل ليوم تقتنع فيه الحكومة الحالي او الحكومة اللي رح تتشكل بعد الانتخابات انو هيدا هويي الحل لانهاء هالملف بشكل جدي وعلمي وشفاف.